

**Nunatsinni illoqarfinni avinngarusimasuniittuni peqqissaaviit minnerni nakorsaqarniarneq aammalu peqqinnissaqarfimmi sulisunik amigaateqarneq pillugu Naalakkersuisut UPA2023 nallertinnagu nassuiaasioqquneqarnissaannik Inatsisartut aalajangiiffigissaassaattut siunnersuut.**

*Naleqqap Inatsisartuni ilaasortaaitaanniit saqqummiunneqartoq pillugu*

### **Ilaqtariinnermut Peqqissutsimullu Ataatsimiititaliap**

**siunnersuutit aappassaaneerneqarnerannut**

### **ILASSUTITUT ISUMALIUTISSIISUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Anna Wangenheim, Demokraatit, siulittaasuugallartog

Inatsisartunut ilaasortaq Jens Kristian Therkelsen, Siumut, sinniisussaq

Inatsisartunut ilaasortaq Mikivsuk Thomassen, Inuit Ataqtigiit

Inatsisartunut ilaasortaq Eqaluk Høegh, Inuit Ataqtigiit

Inatsisartunut ilaasortaq, Hans Peter Poulsen Siumut

Inatsisartunut ilaasortaq Dines Mikaelson, Siumut

Inatsisartunut ilaasortaq Paneeraq Olsen, Naleraq, sinniisussaq

Isumaliutissiisummik tunniussereernerup kingorna aappassaaneerinninnissamut Naalakkersuisut allannguutissatut siunnersuummik saqqummiussaqtut ataatsimiititaliamit maluginiarneqarpoq, taamaattumillu ilassutitut isumaliutissiisummut matumunnga allannguutissatut siunnersuummut inassuteqassalluni.

### **Ataatsimiititaliap siunnersuummik suliarinninnera**

Allannguutissatut siunnersuut ima oqaasertaqarpoq:

*”Nunatsinni illoqarfinni avinngarusimasuniittuni peqqissaaviit minnerni nakorsaqarniarneq aammalu peqqinnissaqarfimmi sulisunik amigaateqarneq pillugu Naalakkersuisut UPA2023 nallertinnagu nassuiaasioqquneqarnissaannik Inatsisartut aalajangiiffigissaassaattut siunnersuut..*

Allannguutissatut siunnersuutip siunnersuutaappaartumut assigiinngissutituaraa


agguaassinissamut piffissarititaasoq UPA2023-imut sivitsorneqarmat.

**Ataatsimiititaliap inassuteqaatai**

- Ataatsimiititaliami amerlanerussuteqartut Inuit Ataqtigiiinneersut Siumumeersullu Naalakkersuisut allannguutissatut siunnersuutaat akuersissutigineqassasoq inassutigaa
- Naleraq imaattumik ikinnerussuteqarluni oqaaseqaateqarpoq:
- “Naalakkersuisut immikkoortup 51-ip upernaq, UPA2022-mi siullermeerneqartoq maannakkullu ukiakkut ataatsimiinnermi aappasaaneernejarmat nalunaarusiornissap ukiup affaanik kinguaarmat, kinguarnerata sivoisoqaanik nassuiassap Inatsisartunut tunniunneqarnissaa aappaagu ukiakkut, UKA2023-imut kinguartinneqarnissaanut siunnersuuteqarnerat naleqqaminngaani tapersinngilarput. Tamatumunnga pequtaavoq avingarusimasuni nakorsiarniartarnerup ilungersunarnerata piaartumik nalunaarusiorlugu saqqummiunneqartariaqarnera aaqiinnissamut sakkussaassaammat qanorlu iliortoqarnissaaneranik tikkuussissammat. Tamatumunnga ilutigitillugu kissaatigaarput peqqinnissaqarfiup tamanna eqqumaffigalugu ilungersuutigissagaa avingarusimasuni nakorsaqarniarnerup peqqissaasunillu sulisoqarnerup piaartumik aaqiissuteqarfigissagaa”.
- Demokraatit allannguutissatut siunnersuut itigartissutigaa

Taamatut oqaaseqarluni isumaliutissiisummilu allassimasut paasinnilluni matumuuna siunnersuut ataatsimiititaliap aappasaaniigassanngortippaa.

Anna Wangenheim



Hans Peter Poulsen


Mikivuk Thomassen



Eqaq Høegh

Jens Kristian Therkelsen

Dines Mikaelen



Paneeraq Olsen

